

ORZAMENTOS 2019 - XUNTA DE GALICIA EMENDAS - SANTIAGO DE COMPOSTELA

I. FINANCIAMENTO - CAMIÑO DO 2021

- 1. Aumento da partida da Capitalidade - 5.500.000 €**
- 2. Incremento da achega ao Consorcio de Santiago-Horizonte 2021 - 6.500.000 €**

II.. NOVOS EQUIPAMENTOS PÚBLICOS

- 3. Cidade da raqueta - 400.000 €**
- 4. Ampliación do Conservatorio de Música - 200.000 €**
- 5. Nova Escola Oficial de Idiomas (EOI) para Santiago e comarca. - 500.000 €**

III. POLÍTICAS SOCIAIS

- 6. Centro de Día para menores (vulnerabilidade) - 500.000 €**
- 7. Parque de vivendas do IGVS para persoas sen fogar - 500.000 €**
- 8. Recurso habitacional para as mulleres - 500.000 €**
- 9. Novo parking no CHUS - 2.000.000 €**
- 10. Novo centro de saúde en Conxo - 2.000.000 €**

IV. EMPREGO

- 11. Política de industrialización - 500.000 €**

I. FINANCIAMENTO - CAMIÑO DO 2021

1. Aumento da partida da Capitalidade - 5.500.000 €

Os orzamentos de 2019 consignan unha partida de 2.325.000 € para o financiamento da capitalidade, a mesma cantidade que a Xunta ven achegando desde 2014 e que queda moi lonxe das necesidades reais. Xa en 2008, un estudo do profesor da USC Luis Caramés sinalaba que Santiago afrontaba uns gastos de 5,5 millóns de euros anuais por ser a capital de Galicia. No primeiro ano do goberno de Alberto Núñez Feijóo a achega foi de 3.180.000 euros, a mesmo que no último ano do Goberno bipartito.

2. Incremento da achega ao Consorcio de Santiago-Horizonte 2021 - 6.500.000 €

Mantense a partida de 2,6 millóns de euros sendo a mesma que en 2016 e 2017. Entre os anos 2000 e 2009, a achega foi de 6,5 millóns de euros. Feijóo xa demostrou a súa falta de compromiso co Consorcio en 2010, cando nin sequera chegou a facer a achega comprometida nos orzamentos (4 millóns de euros) que despois tivo que ir pagando de forma prorrateada ao longo de varios exercicios. Propoñemos aumentar a partidas co Horizonte do 2021, e considerando que o Consorcio é ferramenta indispensable para a celebración dese ano.

II.. NOVOS EQUIPAMENTOS PÚBLICOS

3. Cidade da raqueta - 400.000 €

A “Cidade da Raqueta” busca solucionar a carencia de equipamentos específicos para a práctica do bádminton, squash e o tenis de mesa en Santiago incluíndo espazos para oficinas, aulas de formación, salas sanitarias, zona residencias, etc. Estamos diante dun proxecto de cidade que poderá acoller todo tipo de competicións tanto a nivel de clubs como seleccións. Un centro que sexa de tecnificación deportiva e que conte coa posibilidade de residencia temporal para deportistas.

O Concello de Santiago ten xa encargado un primeiro anteproxecto da ‘cidade da raqueta’ que estaría localizada na contorna do Estadio Municipal de San Lázaro. O anteproxecto foi comunicado aos representantes das tres federacións deportivas así como á secretaría xeral para o deporte da Xunta de Galicia, a propia presidencia do goberno autonómico e á Deputación da Coruña. O alcalde presentoulle a iniciativa, nunha xuntanza en Madrid, ao Consello Superior de Deportes para solicitar a súa colaboración no mesmo. O obxectivo é

impulsar entre todas as administracións un novo equipamento deportivo que dea servizo, non só a Compostela senón a todo o país.

En xuño do 2018 a Xunta de Goberno aprobou a remisión á Xunta de Galicia da solicitude para iniciar a avaliación ambiental previa á modificación do Plan en relación coa parcela na que se localizarán as instalacións. Unha vez remitida a solicitude, a Xunta de Galicia ten un prazo de tres meses para remitir o seu informe de avaliación ambiental e posteriormente abrir o prazo de presentación de alegacións.

4. Ampliación do Conservatorio de Música - 200.000 €

A ampliación do Conservatorio de Música é unha demanda histórica da cidade, dende case o mesmo ano da súa inauguración alá por 2004. O actual edificio ten unha capacidade para 300 alumnos e alumnas, pero acolle desde hai máis dunha década a medio milleiro. Aínda así, ten enormes listas de agarda porque a demanda de matrícula é moi elevada. O centro depende directamente da Consellaría de Educación, o Concello xa ten manifestado a súa dispoñibilidade para ceder a parcela anexa ao edificio actual para posibilitar a ampliación do Conservatorio. O Conservatorio de Música de Santiago ten capacidade para 300 alumnos, pero acolle desde comezos da década a máis de 500 e ten unhas enormes listas de agarda. O Concello puxo a disposición da Xunta unha parcela para facer a ampliación do centro. Nin en 2016 nin en 2017, nin en 2018 a Xunta incluíu o proxecto nos seus orzamentos.

5. Nova Escola Oficial de Idiomas (EOI) para Santiago e comarca. - 500.000 €

O Pleno da Corporación de Santiago ten aprobado unha declaración institucional, xa que logo consensuada por todos os grupos municipais, para esixirle á Xunta de Galicia a dotación dunhas mellores instalacións para a Escola Oficial de Idiomas do noso municipio. Unha nova dotación que sexa acorde en tamaño e recursos educativos á demanda existente, e que reúna os requisitos esixidos pola normativa vixente para poder impartir ensinanzas de idiomas con garantía de calidade. A EOI actual está deseñada para 1.200 alumnos e fronte a isto as solicitudes de matrícula superan as 5.000. En 2009, a Xunta e o Concello asinaron o protocolo para construír a nova Escola Oficial de Idiomas en Santa



en marea



Marta. En 2012 incluíuse unha partida de 200.000 euros nos orzamentos da Xunta. O proxecto nin se citou nas contas dos anos 2016, 2017 e 2018.

III. POLÍTICAS SOCIAIS

6. Centro de Día para menores - 500.000 €

A Lei de Dereito Civil de Galicia atribúelle á Xunta a competencia para a declaración da situación de desamparo das persoas menores que residan ou se atopen transitoriamente no territorio da Comunidade Autónoma galega. Para afrontar estas situacións é necesario contar con Casas de Familias e Centros de día de atención integral a menores.

En Santiago dispoñemos de dúas Casas de Familia (Arela-Conxo; Dignidade-Roxos), dirixidas a menores en situación de desamparo procedentes de toda Galicia. A insuficiencia de prazas fai que menores de Compostela sexan derivados a centros doutros municipios, provocando situacións de desarraigo familiar e dificultando o traballo integral con toda a familia. A capital de Galicia precisa, cando menos, dunha nova “casa de familia”, cunha capacidade máxima de oito prazas e na que os menores poidan estar instalados en vivendas normalizadas.

Tamén se fai imprescindible a creación dun Centro integral de día para menores, que os axentes sociais veñen demandando desde hai máis de dez anos. Este equipamento favorecería o proceso de normalización das persoas menores en situación de desamparo ou conflito social.

7. Parque de vivendas do IGVS para persoas sen fogar - 500.000 €

O Goberno municipal está a facer un gran esforzo, no marco das súas competencias e en colaboración coas entidades sociais, para mellorar as condicións de vida das persoas sen fogar. Un dos proxectos máis ambiciosos é o Centro de Atención Integral para Persoas sen Fogar, que se localizará en Belvís e se financiará con fondos europeos procedentes da EDUSI. Antes diso, dende o 2015 o Concello de Santiago puxo en marcha tres pisos municipais, que seguindo o modelo “Housing First” que recomenda a Estratexia do Estado para persoas sen fogar para o período 2015-2020, funcionan como vivendas de saída para



en marea



persoas sen fogar con problemas de saúde mental. A Xunta de Galicia, que é quen ten a competencia en vivenda, debera poñer en marcha vivendas autonómicas de saída seguindo este mesmo modelo. Na actualidade estímase que en Compostela viven entre 30 e 40 persoas sen fogar, polo que serían precisas un mínimo de seis vivendas.

8. Recurso habitacional para as mulleres - 500.000 €

En 2016 o Centro de Información á Muller (CIM) do Concello de Santiago de Compostela realizou 102 atencións e houbo 232 denuncias por violencia de xénero. Os colectivos feministas levan moitos anos reivindicando un recurso habitacional para as mulleres que, en Compostela e na comarca, sufran algún tipo de violencia. A día de hoxe e, en caso de violencia, non existe ningún recurso nin ningún lugar onde poidan recibir a atención precisa.

A Xunta de Galicia abriu en 2014 un Centro de Recuperación Integral que non conta con servizo de acollida e que non está a dar o servizo que precisan as mulleres e que viña a resolver, sen éxito, o desmantelamento da casa de acollida de mulleres vítimas de violencia machista que se produciu no 2007. Un peche que non respostou a falta de uso xa que as vítimas de violencia machista da cidade vense obrigadas a desprazarse ata a Coruña.

9. Novo parking no CHUS - 2.000.000 €

O Hospital Clínico Universitario de Santiago da servizo a unha área de poboación de case 400.000 persoas. Desde a súa apertura, en 1999, quedou demostrado que o espazo de estacionamento resultaba insuficiente. Segundo os datos do SERGAS, ao contorno do CHUS acceden case 5.200 persoas só en horario de mañá. Esa deficiencia non se solucionou co aparcadoiro privado da Choupana, construído cunha concesión privada a moi longo prazo que fai que os seus prezos sexan os máis altos dos aparcadoiros dos hospitais galegos.

O Goberno local ven mostrando a súa disposición a colaborar para solucionar estes problemas de estacionamento. Así, modificouse o PXOM para permitir a construción dun

aparcadoiro de ata 530 prazas baixo un espazo público, xunto ao edificio CIMUS da USC. O Goberno compostelán ten posto estes terreos a disposición da Xunta, que debера asumir o financiamento do proxecto xa nos orzamentos de 2019, cunha partida de dous millóns de euros.

10. Novo centro de saúde en Conxo - 2.000.000 €

O barrio de Conxo é unha das zonas do municipio con maior crecemento poboacional e a demanda dun novo centro de saúde (que atendería a arredor de 20.000 persoas) é compartida pola cidadanía e polo conxunto da corporación. Xa en 2008 Xunta e Concello asinaron un convenio para a súa construción e, en abril de 2011, púxose a disposición do goberno autonómico unha parcela para levalo a cabo. Unha década despois a demanda aínda é maior, polo incremento poboacional do barrio e a ausencia de equipamentos sanitarios, non sendo suficiente o servizo que poida dar o Centro de Saúde de Galeras.

IV. EMPREGO

11. Política de industrialización - 500.000 €

Segundo os datos da Cámara de Comercio, en 2015 había en Santiago 12.950 empresas, das que só un 6,2 % pertencían ao sector da industria. No conxunto de Galicia, esa porcentaxe elévase ao 14,2%. Eses datos revelan que é precisa unha estratexia encamiñada o peso do sector industrial en Compostela, sobre todo cando hai sectores nos que a cidade é punteira como a transformación da madeira, a biomedicina, ou a domótica industrial, e nos que se podería especializar o polígono da Sionlla.

En xaneiro de 2017, o Concello de Santiago, o IGVS, o IGAPE, a universidade de Santiago, a Cámara de Comercio e a Asociación Área Empresarial do Tambre asinaron un acordo de colaboración para a reindustrialización empresarial, promoción do asentamento de empresas e captación de proxectos de investimento para Compostela. Ese acordo contemplaba a creación dunha oficina de captación de investimentos para atraer proxectos empresariais a Santiago a través de campañas de promoción e traballos de asesoramento entre investidores estatais e estranxeiros.

Tendo en conta que o convenio fixaba o horizonte de 2020 para incrementar ata o 9% o peso da industria no sector empresarial, faise imprescindible que a Xunta habilite unha partida nos seus orzamentos, que estimamos en 500.000 euros.